



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კობლოვი ივანე ივანეს ძე

კობლოვი ივანე ივანეს ძე [11 (22). IV. 1779, მოსკოვი, – 30. I (11. II). 1840, სანქტ-პეტერბურგი], რუსი პოეტი, მთარგმნელი. მის შემოქმედებაში იგრძნობა სენტიმენტალურ-რომანტიკის გავლენა. პოპულარობა მოიპოვა კ-ის პოემებმა „ბერი“ (1825) და „შეშლილი“ (1830). ეს უკანასკნელი თარგმნა და ჟურნ. „ცისკარში“ გამოაქვეყნა რ. ერისთავმა. ი. ჭავჭავაძემ იმავე ჟურნალში (1861, №4) მკაცრად გააკრიტიკა პოემა და მისი თარგმანიც. ამასთანავე, დადებითად შეაფასა ტ. მურის ლექსის, „მწუხრის ზარის“ („Вечерний звон“), კობლოვისეული თარგმანი. ილიას კრიტიკულმა წერილმა ახ. თაობის ლიტ. მანიფესტის მნიშვნელობა შეიძინა და „მამებისა“ და „შვილების“ ბრძოლის საწყისად იქცა.

ლიტ.: ჭ ა ვ ჭ ა ვ ა ძ ე ი., რჩეული ნაწარმოებები ექვს ტომად, ტ. 3, თბ., 2012.

ვ. შადური
